

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華北地方·第五二五號

據

民國·牛寶善纂修，魏永弼編輯  
民國二十一年刊本

影印

河北省

# 柏鄉縣志



成文出版社有限公司印行

301/7275

\*10106119\*

中國方志叢書·華北地方·第五二五號

據

民國·牛寶善纂修，魏永弼編輯  
民國二十一年刊本

影印

河北省

# 柏鄉縣志



成文出版社有限公司印行



\*10106120\*

中華民國六十五年

月壹一版

# 柏鄉縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

民國二十一年十二月

柏鄉縣志

汪克成題

序一

廣川牛寶善謹識

庚午之歲余奉命來長斯土翌年夏省府令修縣誌遂召集邑  
中名流顧彥縉紳先生從事于斯誌成索序於余余以爲縣之  
有誌猶國有史家有乘其關係之重且大爲何如也然栢邑誌  
書經清相國魏文毅公重加修正彙集成帙已臻完善何事修  
爲唯代遠年湮滄桑蛻變後事缺如觀風問俗者不將望洋興  
歎耶藉非重行修纂補爲完璧則疆域之交錯河流之變遷戶  
口幾何錢穀幾何某也興教育某也治公安某長吏治某稱名  
宦文化也而勝衰何若武備也而修弛何如人物臧否風俗淳  
澆在在均不得其詳烏足以云誌哉今也疆界以分河流以晰

也戶口詳而錢穀悉也文化彰而武備修也人物區矣風俗別矣此亦天時人事今昔不同之故不得不爾夫豈好爲更張者哉嗚呼秉春秋之筆立爲讜言不第生斯土者有所觀感而長斯土者亦有所借鏡焉可不慎歟是爲序

序二

民國二十年春中華一統東自齊魯淮徐南自閩廣黔滇西自川藏回疆北自遼寧幽燕莫不聽命中央來旬來宣其間湘鄂等省雖尙有赤匪弄兵然蕞爾小醜指日蕩平於是南京政府通飭各省各縣纂修縣志以便徵文而考獻革故而鼎新甚盛典也柏鄉縣志創修於明之嘉靖二十五年其後萬曆清順治康熙乾隆時迭有增修故此數百年間所載事跡較爲詳備其餘上下古今事跡疏漏者多矣今夏復修縣志明勅深愧譴陋謬任編纂因分得史事軼聞祠廟祥異金石各門亦惟有搜集舊聞補綴成篇以供博古遺今者之一助云爾然竊因之有感



焉夫學術者愈造而愈新者也世事者愈出而愈奇者也乃中  
人多好講求舊書而不耐研究新理適與外人成反比例又妄  
望其增長新知識新技能以抵制新世變新潮流乎如行遠然  
彼用火輪飛機我曰馬車帆船烏能及耶如戰爭然彼用快炮  
鎗彈我用短槍大刀烏能鬥耶前或者以我之金錢購彼之利  
器此乃補苴一時之計又豈立國之遠猷耶夫縣志所載皆舊  
事也舊書也故講求舊書尤必研究新理務期發明新學術創  
造新器物然後可以開拓萬古之心胸推倒一時之豪傑自古  
開國承家之明辟與夫救世匡時之志士未有不殫精竭慮日  
夜孳孳以從事此義務者今馬走老矣無能爲矣然白髮餘生

丹心未改竊願追隨驥足勉竭駑力以宏此遠謨也夫豈僅僅  
爲一縣一邑之計云乎哉

中華民國二十年冬至後十月邑後學吳明勤譔

序三

民國辛未四月初縣政府奉到

省令內開擬設省志館各縣知事應聘士紳各就地方情形編纂材料送省採輯并指定門類及期限牛縣長遵即照辦不三月報竣縣長因向<sup>栢</sup>等言曰栢志年久失修乘此機會正好續修<sup>栢</sup>等贊同旋又從新續起獨是舊志門類多省令所指之門類少無所適從於是公同商酌議定將舊志四十二門各以類相從統納於省令十五類內庶綱舉目張繁簡適宜遵即當衆拈鬮分任其事此縣志續脩之沿起亦即編纂之大概情形也按吾栢舊志文毅魏公兩爲編次其鴻文鉅篇洵足爲後世法

程所惜者自乾隆三十年鍾公廣華脩後迄今百五十年無人續脩代遠年湮幾無從搜集幸有趙州屬邑志作中間階梯用能事半功倍勝任愉快也但從前縣志之脩新舊遞嬗不甚懸絕今則自清末變法以至民國成立除舊布新之政無日無之其初慮編纂時溝通不易繼思所謂新舊者名異而實同者實居多數况博古通今乃文人之能事果能網羅舊聞博覽新章於銜接處稍爲說明自無扞格矣雖然時代變遷不能無所損益舊志如星野之說與現代天文家學說不同而同人等又無此學問與其抄襲不如闕疑故決然刪去此所損者也至於堪設之機關其於舊志或昔有而今無或昔無而今有無不詳

細說明一一記載使人知過渡時代之真象以便信今而傳後此所益者也其中尤注意者風俗人物烈女三門凡有關於世道人心者類皆極力表揚實心推崇使覽斯志者知國體雖更而國粹猶存庶爲善之心不爲歐風美雨新潮流所漸滅蓋秉筆之初即本孫中山先生恢復舊道德之說以爲脩志宗旨借挽頹風實不欲僅爲日後備文獻留掌故已也稿旣脫述其大略如此非敢言序聊以應縣長之命云爾

邑人魏增楨

柏鄉縣志同修姓氏

纂修

柏鄉縣縣長牛寶善

編輯

前清恩貢生魏永弼

前清恩貢生北洋師範學校畢業孫名珍

前清拔貢日本宏文學院選科畢業吳明勤

前清拔貢生梁毓琪

前清增廣生魏增楣

參較

本報彙刊  
卷之三

財 務 局 局 長 陳寶忠

前 教 育 局 局 長 黃玉昌

教 育 局 局 長 魏佩瑗

商 會 主 席 劉樹樟

北平湘記中西印書局代印

柏鄉縣志目錄

卷首

圖表

卷一

疆域

沿革 城池 位置 區域 官署 面積

地理

山脈 河流 交通 關隘 區域 名勝 古蹟

氣候

卷二

村鎮

坊巷

市集

卷三

戶口

物產

實業

卷四



行政 田賦 積貯 賑卹 武備 教育 金融

卷五

烈女 藝術 風俗

卷六

名宦 人物

卷七

縣令表 學職表 縣尉表 丞簿附 武職表

進士表 武科附 舉人表 武科附

卷八

貢生表 科第沿革附 歷仕表 武仕附 薦舉表 封贈表

docsriver 文川网  
入驻商家 古籍书城

在文川网搜索古籍书城 获取更多电子书



縣志原序

明興混合區宇同軌化洽作一統誌用昭廣輪之大數井之邑  
皆得操觚修乘以並垂不磨覽者開卷而神游八極聲名文物  
彬彬然盛矣予柏肇置最古地當畿服孔邇獲沾文化最先興  
除典制視他邑最劇且備乙亥歲天子狩興都六飛自城東而  
南駕還復由城而北今關南隙地即駐蹕之所上親灑宸翰製  
詩以紀孝思固聖神過化之地而睿藻光被之區頌可泯然無  
述耶顧邑乘久缺匪盡地靈絕散文獻寡乏不足污作者之筆  
或人與時違倡而佛和罔克秉毫陳詞噴珠砌玉者耳予媿  
薄久稽內臺徒增惆悵屬嘉靖二十五稔邑侯正菴馬君履任

邊整融滯節費振頽靡廟庠署罔不增飭訊知誌缺欲肇輯  
甚銳予聞之喜曰茲殆人與時應也乎必復有倡之者矣逮侍  
御近山傳公按部至邑昭憲考度問諸所宜舉狀馬君以誌缺  
對公郎命亟成之予聞之又喜曰公殆倡之矣馬君必克成之  
者也無何君果以誌事來謀且請載筆焉予適緣罪愆深重天  
連降割於考妣五內摧裂匍匐固辭且曰姑遲之君曰臺命孔  
棘奈何予曰必不獲已君自任焉可也爰謝紛啟笥蒐籍閱圖  
翔覽川原訊質耆舊問取郡誌及致仕通判孔君雍所存事類  
而採輯之鏤冗區分釐爲上下二冊以報傳公公復檄君徵余  
言以弁諸首誼不獲辭予惟今郡縣即古列侯之國列國皆有

史誌封禪法廢惟王國置太史氏郡縣迺作誌以存昇革故建  
縣者列國之遺而誌者史之遺也然太史氏非取諸郡縣之故  
實亦無以成一代之書故天下郡縣之積而史者誌之積也誌  
與史雖體裁各別而述前詔後以爲杞宋之徵者功實相伴豈  
苟焉已哉所貴詳而弗蕪要而弗踈彰淑而弗諛闡慝而弗過  
是故以博古者獵其詳以徵治者探其要以樹風者憲其淑以  
昭鑒者懲其慝古有輿圖誌風土記咸是之取耳若徒宣靡侈  
靡則虛車之飾爾矣奚取哉茲誌也無蕪詞無遺跡無徇已無  
溢美遠足稽古近足信今懲惡勸善不曰得誌之體裁矣乎豈  
徒祖述本始翔輝藝苑者耶傳公名鎮閩中人馬君名寫晉陽

人君子謂觀斯舉也可以知其政矣知其政則知其人矣兵部右侍郎邑人魏謙吉

曩余讀中秘書嗜玩職方輿圖以考圖探籍史氏事也迨謝直承明車跡所集輒先索誌圖故不越几案間而弛張注措政體已辨八九矣誌於郡邑猶家之譜牒也柏鄉古鄆地屹爲恆郡南屏往來多憩息焉嘗偶一二父老詢其邑之本名以彭川柏人對詢北域之故城以王莽王郎對再詰其由則茫然莫知也接令長而問誌或對以久無或對以某曾輯之格於某事未果余聞而惋歎再三謂今之從政役役簿書獵譽目前循資計日不幾官爲濫廬而士苴以委邑乘觀風向俗者於何採哉萬厯

甲戌濱州張君左海來尹蓋余卒業太學時舊知也閱博雅達  
洞悉其蘊久矣知必大所樹而殫厥志者越函子杪秋余臬楚  
潛道出其邑張君出誌藁相示余受而披諸輿邑之大觀瞭然  
始知彭川爲槐午之誤莽郎爲鄙城之誤又誤以鄆州之栢人  
爲栢鄉也嗚呼無譜牒則祖禰迷宗庚銖爽實以至真僞淆競  
譌訛相襲豈直數事謬誤已哉故因是而可歎張君真實經久  
之矣昔朱文公謂初仕如入暗室撤其藪而灼徹之誌非一  
邑之斷歐邪夫誌者心志之運用也故觀其輿圖建置則知心  
運於保釐撫輯而靡荒厥緒矣觀其籍賦學校則知心運於子  
臬造衿而靡促厥脈矣觀其秩官人物則知心運於鏡蓋程能




而罔蹈覆轍矣觀其叢紀遺文則知心運於懷事察微而靡佚  
厥光矣處官事如家事君非其人耶無幾何張君走伴持屬余  
序且曰是役也博諏廣蒐者太學生魏君惻吾也詳訂校讐者  
主工部事趙君懷堂也捐俸入梓者下走之職也乃若藉庠鴻  
譔弁諸端敢不邀惠於疇昔之史氏乎余曰事以實錄不簡脫  
不繙燕擬諸史而可傳者斯在也奚庸余言獨不見結絲懸藜  
雜產山嶽採之者陟巘凌壑披盪於礪礫中凡體質精英者輒  
剗裹而出俾鑒別者拭塵蒿目黜其穢佚燕石而獨於琳琅溫  
栗是庸然後追琢磨礪制爲成器天下之奇觀備矣善市者鼓  
其聲價於駟駿斯珍重連城翫者肩摩玉之出而售也豈一手

一足之力哉故知魏君採玉者也趙君鑿玉者也張君製玉者也余不善市無能鼓其聲價而求翫者自傳相延致矣余言奚庸哉巡按甘肅漳川宋范

夫載筆之書無論大者也史有野乘有家譜有族凡以標往鏡來罔裨遺闕矧邑聯萬族萃千室而界四野哉柏故無誌按春秋晉入鄆鄆納荀寅千柏人今其地在唐山相距才一舍名因兆茲云夫春秋魯誌也徵春秋則柏人之名殆不可昉誌可少也乎哉延庭自甲戌承乏是邑則首詢故實率芴漫靡所考無何太學生魏子惻吾出所著邑誌若干卷然章章備矣復請千工部趙公懷堂始益藻潤成書爰得而命諸梓夫魏子乃大司

馬槐川公仲氏家學淵源趙公起家名進土方蒸蒸樹勳問二  
公者皆以春秋顯信誌非春秋之筆不能矣嗚呼繼自今往可  
述來可鑒上可觀下可溯炳炳哉文獻足徵于斯乎萬曆丙子  
長至日柏鄉知縣張延庭

竊謂邑之有誌也如眉目然一覲面則了無疑藉令覆面以  
被無論受覆者昏昏不辨即立神哲於其旁憑臆卜度詎能  
知而確信之夫誌亦一邑之眉目也舊刻成於魏族之先輩  
惻吾者蓋亦留心世務人也歷年浸久增修之責存乎代起之  
人然而未易言也媿燕魏公後惻吾百餘年高才博學娛志著  
述庭訓之暇手加裁定燕者刪之訛者訂之未備者補之庶幾



完璧古以已丑之嘉平承乏署篆於茲首詰誌書左右以版燬  
爲對所存腐爛不堪竊心傷焉而莫能爲計時媿燕公已不祿  
其仲君諫議公出遺書相示中有邑乘一帙展卷讀之綱舉目  
張條分縷悉流覽往復令人目豁心開頓覺千頭萬緒俱燦然  
於指掌間其以資觀型垂勸戒匪淺鮮也凡任斯者生斯者皆  
當取一編置座右惡可不付剗刷廣其傳而長貽覆被之譏哉  
工竣問序於古古噉然而爲之語曰是書也雖出一家言而實  
闔邑之公典也古不欲掠人之美以自居然屬稿者良史也續  
述者孝子也忠臣也無財疲力以共襄其成者仁人也義士也  
古不佞獲挂名管端附驥尾不朽幸也故不敢以鄙俚辭而曉

曉弁其首云順治庚寅正定府經歷著柏鄉縣事朝歌彭述古  
蓋聞譜牒失傳則宗系紊典誌失傳則文獻闕士失之責也柏  
志自宋元以後散失久矣有誌自前令馬公寫始曾與先高叔  
祖大司馬翹厥端未及竟濱州左海張公續成之惻吾懷堂兩  
公實爲捉刀廣詢博採湮沉磨滅之迹燦然復著第體裁淆雜  
篇帙泛溢權輿者固難爲功也况甲子逾周損益紛疊彰往昭  
來將安所取鏡乎先大人擁戶著書疾雷破柱鉛槧不移族譜  
甫完輒及邑乘筆削簡嚴藻采麟炳雖一邑誌可當畿南一大  
紀未及壽諸梨棗而竟登志歿矣嗚呼不孝介披繹手澤凜凜  
以弗克負荷是懼庚寅辛卯之間著篆朝歌彭公首論及此慨

然修舉遂捐資付之剗刷其中微有補綴要以遵先人成命述  
舊聞發幽光爾嗟乎以先大人腹蘊五車筆羅二酉弗獲燃藜  
天祿步影花磚乃俯而徵一邑之掌故耶顧窮達有命敬止維  
桑典型未遠喆人是程不憚然興感者豈情哉自壬辰以來又  
復十三載矣朝廷以介効力有年榮及所親每檢手澤輒爲興  
起會邑宰李公復詢誌事余於政事之暇博覽載籍兼考前輩  
諸老先生文集近日海內與里中諸君子篇什所及暨荒草煙  
榛牌版所存向偶有遺漏者並收採補入之而民社一誌考據  
典禮於嘉惠氓黎之意尤懇懇焉變舊例之四卷分爲十卷一  
手一心討論潤色數年功力踵事增華不厭詳密匪敢自作聰

docsriver 文川网  
入驻商家 古籍书城

在文川网搜索古籍书城 获取更多电子书

明也牧斯土者撫是編也著計燭照操刀製錦之譽吾知兔夫而生於是邑者企慕流風學道自淑君子愛人小人易使以相與有成誰謂彈丸之理不比隆於可封之俗也若夫天時人事日新而不已邑之可紀之良有司可紀之賢才與可紀之庶務亦方來而未艾則有望於後之纂述者康熙三年甲辰重九日宮保吏部尙書邑人魏裔介

嘗謂國有史家有乘郡縣有志其義一也故縣之有志者因縣之名而志其實也非志一日之事志千古之傳也若一日之事不實則千百年之傳無以信也今之志書猶古史之遺意也其不言史而言志者何所以別乎史也今之邑古之侯國耳志乃



一邑之史也然古史之善者稱馬班陳歐爲最著而今一邑之志豈遂不爲文士所膾炙乎栢邑素號名區非他邑所可及也貞元會合人材蔚起科甲蟬聯文章素甲天下建功立業之士忠孝節義之行徵輯掌故者代不乏人况我栢邑之志舊刻成於魏相國之先輩惻吾公及媿燕公諸君子輩出才雄八斗學富九邱博古閎深娛志著述庭訓之暇手加裁定荒絕者補之殘缺者續之疑謬者訂之未有者增之必核名實文質而酌裁之匠心獨蘊無遺事焉已夙稱完璧矣迨至甲辰歲魏相國於政府之暇博覽載籍稽考前哲發明緒論闡繹微言文獻足徵邑之封域建置賦役名賢人物封誥藝文典型事績之類各附